

Na osnovu člana 25. alineja deseta Statuta Vanjskotrgovinske komore Bosne i Hercegovine – prečišćeni tekst („Službeni glasnik BiH“ br. 52/14 i 19/18), čl. 5., 6., 7., 8., 9., 10. i 11. st. (6) i (8) Pravilnika o postupku usklađivanja i registracije redova vožnje međunarodnog i međuentitetskog linijskog prijevoza putnika („Službeni glasnik BiH“ broj: 45/26), Upravni odbor Vanjskotrgovinske komore Bosne i Hercegovine, na sjednici održanoj dana 8.7.2026. godine, donio je

O D L U K U

O NAČINU OBAVLJANJA POSLOVA ISPITIVANJA USAGLAŠENOSTI PRIJEDLOGA REDA VOŽNJE SA ODREDBAMA PRAVILNIKA I SAČINJAVANJU DETALJNOG IZVJEŠTAJA O PRIJEDLOGU REDA VOŽNJE KOJI JE ISPITIVAN

Član 1. (predmet)

Ovom odlukom bliže se uređuje organizacija i sprovođenje stručnih i administrativnih poslova koji se odnose na obavljanje poslova ispitivanja usaglašenosti prijedloga reda vožnje i sačinjavanje detaljnog Izvještaja o prijedlogu reda vožnje koji je ispitivan, u skladu sa Pravilnikom o postupku usklađivanja i registracije redova vožnje međunarodnog i međuentitetskog linijskog prijevoza putnika („Službeni glasnik BiH“ broj: 45/26), (u daljem tekstu: Pravilnik), uz poštivanje normi kancelarijskog poslovanja.

Član 2. (dostavljanje prijedloga reda vožnje)

- (1) Prijedlog reda vožnje dostavlja se Vanjskotrgovinskoj komori Bosne i Hercegovine (u daljem tekstu: Komora), u skladu sa članom 5. stav (1) i (2), članom 6. stav (1) i članom 11. stav (6) i (8) Pravilnika, sačinjen na obrascu koji je dat u Prilogu 1. Pravilnika.
- (2) Prijedlog reda vožnje se podnosi Komori putem pošte, predaje neposredno na protokolu Komore ili elektronskim putem u skladu sa propisima o elektronskom poslovanju.
- (3) Uz prijedlog reda vožnje, podnosilac dostavlja dokaz o uplati naknade koja se plaća Komori.
- (4) Odluku o naknadi za obavljanje poslova ispitivanja prijedloga reda vožnje donosi Upravni odbor Komore.

Član 3. (zaprimanje prijedloga redova vožnje)

Prijedlozi redova vožnje zaprimljeni putem pošte, neposredno na protokolu Komore ili elektronskim putem ovjeravaju se prijemnim pečatom Komore sa upisom datuma prijema i dostavljaju se Sektoru za transport i komunikacije Komore (u daljnjem tekstu: Sektor) na daljnje postupanje.

Član 4. (objava prijedloga redova vožnje)

- (1) Po prijemu prijedloga reda vožnje ovlašteni zaposlenik Sektora utvrđuje da li su ispunjeni sljedeći početni uslovi i to:
 - a) da li je prijedlog reda vožnje dostavljen na propisanom obrascu iz Priloga 1. Pravilnika i
 - b) da li je dostavljen dokaz o uplati propisane naknade, u skladu sa Odlukom o naknadi za obavljanje poslova ispitivanja reda vožnje.

- (2) Poslije provjere ispunjenosti početnih uslova, iz stava (1) ovog člana, ovlašteni zaposlenik Sektora priprema dokumentaciju za objavu, sa posebnom napomenom za prijedloge redova vožnje koji nisu ispunili početne uslove, skenira prijedloge redova vožnje, te dostavlja Sektoru za statistiku i informatiku skeniranu dokumentaciju pod nazivom država krajnjeg odredišta_mjesec u kojem su zaprimljeni redovi vožnje_godina (npr. Austrija_juli_2026. ili BIH_juli_2026.), a koju je Sektor za statistiku i informatiku dužan objaviti isti dan na službenoj web stranici Komore (www.komorabih.ba)
- (3) Prijedlozi redova vožnje koji su u Komori zaprimljeni do kraja radnog vremena posljednjeg radnog dana u mjesecu, Komora objavljuje prvog radnog dana u narednom mjesecu.
- (4) Za prijedloge redova vožnje uz koje nije dostavljen dokaz o izvršenoj uplati propisane naknade za obavljanje poslova ispitivanja reda vožnje, Komora će obavijestiti podnosioca prijedloga reda vožnje da izvrši uplatu propisane naknade i o tome dostavi dokaz Komori.
- (5) Ako podnosilac prijedloga reda vožnje, u ostavljenom roku, ne dostavi dokaz o izvršenoj uplati, Komora za navedeni prijedlog reda vožnje neće izdati Izvještaj o provedenom ispitivanju prijedloga reda vožnje.

Član 5. (osporavanje)

Prijevoznik može, u roku od 15 dana od dana objavljivanja prijedloga reda vožnje, osporavati objavljeni prijedlog reda vožnje.

Član 6. (dokumentacija za osporavanje prijedloga međunarodnog reda vožnje)

- (1) Prijedlog objavljenog međunarodnog reda vožnje osporava se u pogledu usklađenosti minimalnih vremena na prijedlogu reda vožnje s redom vožnje za koji prijevoznik posjeduje važeće dozvole, a može uključivati i mišljenje o ozbiljnom utjecaju na održivost reda vožnje za koji je izdata dozvola.
- (2) Prijevoznik koji osporava prijedlog reda vožnje dužan je dostaviti:
 - a) ovjerenu kopiju važeće dozvole izdate od Ministarstva komunikacija i transporta Bosne i Hercegovine, kao i ovjerene kopije važećih dozvola drugih država preko čijih se teritorija obavlja prijevoz, sa ovjerenim kopijama pripadajućih redova vožnje uz svaku od dozvola i
 - b) dokaz o uplati naknade u postupku osporavanja.

Član 7. (dokumentacija za osporavanje prijedloga međuentitetskog reda vožnje)

- (1) Prijedlog objavljenog međuentitetskog reda vožnje osporava se u pogledu usklađenosti minimalnih vremena na prijedlogu reda vožnje s registriranim redom vožnje za koji podnosilac prigovora posjeduje važeće rješenje Ministarstva.
- (2) Prijevoznik koji osporava prijedlog reda vožnje dužan je dostaviti:
 - a) ovjerenu kopiju važećeg rješenja Ministarstva sa ovjerenom kopijom pripadajućeg reda vožnje uz Rješenje i
 - b) dokaz o uplati naknade u postupku osporavanja.

Član 8. (daljinar)

Prilikom projektiranja i ispitivanja usaglašenosti prijedloga reda vožnje, primjenjuje se Daljinar sa relacijama i minimalnim vremenima vožnje za autobuske stanice i stajališta u Bosni i Hercegovini, iz Priloga 2. Pravilnika.

Član 9. (objava osporavanih prijedloga redova vožnje)

Komora, nakon ostavljenog roka za osporavanje, na internetskoj stranici Komore objavljuje osporavane prijedloge redova vožnje, kao i redove vožnje kojima se prijedlog reda vožnje osporava.

Član 10. (ispitivanje prijedloga reda vožnje)

Ispitivanje prijedloga reda vožnje podrazumijeva sve radnje provjere dostavljenog prijedloga reda vožnje i njegove usaglašenosti sa odredbama Pravilnika.

Član 11. (izvještaj o ispitivanju prijedloga reda vožnje)

- (1) Po obavljenom ispitivanju, Komora sačinjava detaljan izvještaj o provedenom ispitivanju prijedlogu reda vožnje koji je ispitivan, koji sadrži stručnu analizu prijedloga reda vožnje, sve informacije u vezi sa prijedlogom, kao i stručno mišljenje o prijedlogu reda vožnje, a za međunarodne redove vožnje može uključivati i mišljenje o ozbiljnom utjecaju na održivost reda vožnje za koji je izdata dozvola.
- (2) Komora izvještaj iz stava (1) ovog člana sa pratećom dokumentacijom dostavlja podnositeljima prijedloga redova vožnje.
- (3) Za prijedlog međuentitetskog reda vožnje, koji ispunjava uvjete iz čl. 7., 8., 9. i 10. Pravilnika i ima više od jedne stanice/stajališta u entitetu/Brčko distriktu Bosne i Hercegovine, Komora dostavlja Izvještaj i entitetu/Brčko distriktu Bosne i Hercegovine radi izdavanja saglasnosti o usklađenosti prijedloga reda vožnje, u zajedničkom stanicama, u pogledu minimalnih vremena iz člana 7. stav (2) Pravilnika, sa registriranim redovima vožnje u entitetu/Brčko distriktu Bosne i Hercegovine, uz uvažavanje roka definiranog u člana 6. stav (8) Pravilnika.
- (4) Komora za prijedloge redova vožnje iz stava (3) ove odluke sačinjava dodatni Izvještaj koji dostavlja podnosiocu prijedloga reda vožnje.
- (5) Na zahtjev Ministarstva, Komora dostavlja Izvještaj o provedenom ispitivanju iz st. (1) i (4) ovog člana u elektronskom obliku.

Član 12. (izvještaj o ispitivanju izmijenjenog prijedloga reda vožnje)

- (1) Za prijedlog reda vožnje za koji je sačinjen izvještaj o provedenom ispitivanju prijedlogu reda vožnje koji je ispitivan, prijevoznik može dostaviti izmijenjeni prijedlog reda vožnje.
- (2) Uz izmijenjeni prijedlog reda vožnje, podnosilac dostavlja dokaz o uplati naknade koja se plaća Komori.
- (3) Na izmijenjenom prijedlogu reda vožnje nije dozvoljeno upisivati nove stanice/stajališta, dodavati nove polaske, mijenjati period i režim održavanja.

- (4) Na izmijenjenom prijedlogu reda vožnje, ukoliko ne dolazi do izmjena vremena polaska sa stanica/stajališta, u odnosu na početni prijedlog reda vožnje, dozvoljene su sljedeće izmjene:
- a) izmjena kooperanta,
 - b) skraćenje reda vožnje (linije),
 - c) smanjenje broja dana održavanja (režima održavanja),
 - d) brisanje stanica/stajališta,
 - e) promjena perioda održavanja iz stalnog u sezonski,
 - f) izmjena relacije (početno mjesto – krajnje mjesto) na kojoj se obavlja prijevoz, u skladu sa početnom i završnom stanicom,
 - g) izmjena udaljenosti stanica/stajališta od stanice polaska u kilometrima u skladu sa Daljinarom,
 - h) brisanje jednog ili više polazaka na redu vožnje,
 - i) izmjena naziva stanice stajališta u skladu sa daljinarom,
 - j) izmjena oznake i broja ceste i
 - k) izmjena rasporeda rada vozača.
- (5) Za međunarodni prijedlog reda vožnje, pored dozvoljenih izmjena iz stava (4) ovog člana dozvoljene su i:
- a) izmjene koje se ne odnose na stanice u odlasku iz Bosne i Hercegovine, pri čemu se ne uvode nove stanice na redu vožnje,
 - b) spajanja redova vožnji koji imaju zajedničku početnu i ciljnu stanicu i zajednički itinerer, pri čemu se ne otvaraju nove relacije i ne mijenja režim održavanja,
 - c) izmjena graničnog prijelaza i
 - d) izmjena oznake države.
- (6) Izmijenjeni prijedlog reda vožnje se ne objavljuje, a označava se pod istom oznakom uz dodatak „-IZ“ (npr. početna oznaka A-2185/26 - nova oznaka A-2185/26-IZ ili početna oznaka BIH-1125/26 – nova oznaka BIH-1125/26-IZ).
- (7) Poslije ispitivanja izmijenjenog prijedloga reda vožnje Komora sačinjava detaljan dodatni Izvještaj o provedenom ispitivanju izmijenjenog prijedloga reda vožnje koji je ispitivan.
- (8) Ukoliko prijevoznik, poslije sačinjenog dodatnog Izvještaja o provedenom ispitivanju izmijenjenog prijedloga reda vožnje koji je ispitivan, ponovno dostavi novi izmijenjeni prijedlog reda vožnje, takav prijedlog reda vožnje će se tretirati kao novi prijedlog reda vožnje.

Član 13.

(registri prijedloga redova vožnje)

- (1) Komora vodi Elektronski Registar prijedloga redova vožnje kao internu evidenciju i isti se ne objavljuje na službenoj web stranici Komore.
- (2) Komora vodi Elektronski registar prijedloga međunarodnih redova vožnje i Elektronski registar prijedloga međuentitetskih redova vožnje, koji ispunjavaju propisane uslove definisane Pravilnikom, a registre objavljuje na službenoj web stranici Komore.

(3) Registri obavezno sadrže sljedeće podatke:

- a) o podnosiocu prijedloga reda vožnje,
- b) o prijedlogu reda vožnje i
- c) prijedlog reda vožnje.

Član 14.
(saradnja)

U realizaciji poslova propisanih ovom Odlukom Komora sarađuje sa Ministarstvom, nadležnim organima za usklađivanje redova vožnje entiteta, odnosno Distrikta Brčko BiH, te drugim organima i institucijama u skladu sa njihovim nadležnostima.

Član 15.
(organizacija poslova u Komori)

- (1) Poslovi vezani za realizaciju ove Odluke obavljaju se u Upravi stručnih poslova Komore.
- (2) Generalni sekretar Komore obezbjeđuje materijalne, kadrovske i druge pretpostavke za realizaciju ove odluke i odgovoran je za njeno zakonito i efikasno provođenje.

Član 16.
(prelazne i završne odredbe).

Prijedlozi redova vožnje podneseni Komori prije stupanja na snagu Pravilnika, završit će se po odredbama Pravilnika o postupku usklađivanja i registracije redova vožnje, načinu i postupku izdavanja dozvola i obrascu dozvole („Službeni glasnik BiH”, broj 7/18) i odredbama Odluke o načinu obavljanja poslova ispitivanja usaglašenosti prijedloga reda vožnje sa odredbama pravilnika, pružanju stručne pomoći strankama i sačinjavanju detaljnog izvještaja o prijedlogu reda vožnje koji je ispitivan, br.: 01-2-01-2-190-10/18 od 06.02.2018.g.

Član 17.
(stupanje na snagu)

- (1) Danom stupanja na snagu ove Odluke prestaje da važi Odluka o načinu obavljanja poslova ispitivanja usaglašenosti prijedloga reda vožnje sa odredbama pravilnika, pružanja stručne pomoći strankama i sačinjavanju detaljnog izvještaja o prijedlogu reda vožnje koji je ispitivan, broj: 01-2-01-2-190-10/18 od 06.02.2018. godine i Odluka o imenovanju Komisije za otvaranje koverata sa prijedlozima međunarodnih i međuentitetskih autobuskih redova vožnje, broj: 01-2-01-2-141-3/21 od 09.02.2021. godine.
- (2) Ova odluka stupa na snagu i primjenjuje se danom donošenja.

Broj: 01-2-01-2-851-3/26

Datum: 8.7.2026. godine

PREDSJEDNIK
UPRAVNOG ODBORA
Zenis Delić

